

vorrath / one zulassung des Berckmeisters / nicht leihen / Sollen
auch den Geschwornen nicht mehr vnszlet geben / dan sie zu dem
faren jedes orts bedürffen.

Vnd sollen die Berckmeister darauff gute achtung geben /
das die steiger nicht mehr / vnszlet oder eisen schreiben lassen / dan
sie zur notturfft bedürffen / Welchen sie aber vntrew würden be-
finden / der sol am leibe ernstlich gestrafft werden.

Der Liii. Artikel.

Wann vnd wie die Schichtmeister
mit irer Rechnung geschickt
sein sollen.

In jklicher Schichtmeister oder Vorsteher der zechen / sol-
len ihres einnehmens vnnnd ausgebens / alle viertel Jar /
auff Sonnabent vor jklicher weichfasten / seine rechnung
beschliessen / anfenglich / eigentlich vnd deutlich / mit deutschen
worten / vnd zal alles geldes vnd vorrats / es sey an bley / werck
vnszlet / eisen / holz / bret / seyl / gefesz / vnnnd alles anders / so den
gewercken zustendig / vnd er entpfangē / vnd vor einnahme setzen
darnach was er für die zechen in hütten / vnd sonst zur gewercken
nuß ausgegeben / auch eigentlich anzeigen / was / wiewiel / wenn /
vnd weme er dauon ausgegeben / was / wie teuer er jklich stück /
vnnnd von weme ers gekaufft / wie er dieselbige gekauffte wahr /
wider von sich gereicht / was in zeit des viertel jars mit oder one
geding / vnd wie lang ober dem geding gearbeit sey / was auff's
geding / oder arbeiter gangen / vnd dieselben arbeiter / knecht vnd
knaben / namhaftig machen / vnd zuletzt / was noch allenthal-
ben im vorrath bleibt / auch stückweis eigentlich auffschreiben /
Vnd